

BERITA HARIAN 21 APR 2016

# UMP bantu masyarakat Islam Aceh

**Kuantan:** Seramai 30 pensyarah, pelajar dan petugas media akan menyertai misi lawatan kemanusiaan Universiti Malaysia Pahang (UMP) ke Aceh, Sumatera pada 2 hingga 5 Mei ini.

Naib Canselor UMP, Prof Datuk Dr Daing Nasir Ibrahim, berkata misi itu dianjurkan Fakulti Teknologi Kejuruteraan (FTeK) serta Persatuan Wanita UMP (MATAHARI) dan diketuai Presiden MATAHARI, Prof Datin Dr Mimi Sakinah Abdul Munaim.

“Misi itu juga bertujuan membantu masyarakat Islam Aceh berkaitan modul pembangunan akademik dan kemudahan sosial, termasuk bekalan air bersih. Delegasi akan turut membantu memperbaiki kemudahan asas di Pesantren Dayah Nurul Huda yang didiami anak yatim dan ibu tunggal,” katanya.

## Laksana tanggungjawab sosial

Beliau berkata demikian ketika ditemui pada program santai bersama media yang turut dihadiri Presiden Kelab Media Pahang, Datuk Nik Naizi Husin dan Pendaftar UMP, Abd Hamid Majid, di sini malam kelmarin.

Daing Nasir berkata, delegasi ke Aceh yang akan turut melawat Universiti Teuku Umar dan Universiti Syiah Kuala, juga bakal memberi pendedahan kepada pensyarah, pelajar dan ahli persatuan wanita UMP dalam melaksanakan aktiviti kemasyarakatan dan tanggungjawab sosial korporat.